

國醫小叢書之二十

四庫全書之一

校正集驗背疽方

上海國醫書局印行

集驗背疽方四庫全書提要

謹案集驗背疽方一卷。宋李迅撰。迅字嗣立。泉州人。官大理評事。以醫著名。此書見於陳振孫書錄解題。稱所集凡五十三條。其議論詳盡。曲當。馬端臨經籍考。亦著於錄。而題作李逸撰。與書錄解題不合。今案此書。前有郭應祥序。亦云嗣立名迅。則通考誤也。背疽為患至鉅。俗醫剽竊一二丹方。或妄施刀針。而於受病之源。發病之形。及夫用藥次第。節宣禁忌之所宜。俱置不講。故天關者十恆八九。令迅所撰於集方之前。俱係以論說。凡診候之虛實。治療之節度。無不斟酌輕重。辨析毫芒。使讀者瞭然。夫背疽。今人例以此為惡疾。悉付之外科。而邈不加之意。不知治療之失宜。蓋未有能得全其生者。某於此究心有年。所活甚衆。

君能捐二三萬錢。刻板流存。不猶愈於刊他書乎。予且圖之。會有黃冠師曰。劉道淵者。主邑之太霄觀。忽得此疾。劉素號曉方脈。得嗣立之書。而敬信之。凡服藥次第。悉案書以從事。不兩月。遂獲安。予益信其書之有驗。乃為之序。其首嗣立名。以儒傳家。父兄相繼登科。子弟亦登名賢書。鄉評翕然推重。予與其兄嗣宗。嘗同校長沙。相契。分為不薄。又有鍼膏起廢之功。故樂為之成其志云。

原序

始予奉親攜幼來官泉江。未入境。首問邑有良醫師乎。又問市有佳藥肆乎。或對以醫固不乏人。而庸庸者實多。藥肆僅一二數。然稍貴細者則缺焉。予謂二者老幼所依。以為命也。今顧若此。其奈之何哉。或曰。邑有李嗣立。廷評者。廣收方書。多蓄藥味。有問方者必告。有求藥者必與。了無吝色厭心。予固私竊慶幸。時方至旅。見亦未暇詢及也。久之嗣立來請問。一作問。與之款與語。見其持心近厚。非愛人利物之言不談。叩以難素脉訣病源等書。其應答如流。厥後家人子或有病。疏方惠藥。雖數不憚煩。三年間不醫之求。而唯嗣立之謁。一日嗣立出示一編曰。此治背瘡方也。今人例以此為惡疾。悉付之外科。而邈不加之意。不知

治療之失宜。蓋未有能得全其生者。某於此究心有年。所活甚衆。君能捐二三萬錢。刻板流存。不猶愈於刊他書乎。予且圖之。會有黃冠師曰。劉道淵者。主邑之太霄觀。忽得此疾。劉素號曉方脉。得嗣立之書。而敬信之。凡服藥次第。悉案書以從事。不兩月遂獲安。予益信其書之有驗。乃為之序。其首嗣立名。以儒傳家。父兄相繼收科。子弟亦登名賢書。鄉評翕然推重。予與兄嗣宗嘗同校長沙試契。分為不薄。又有鍼膏起廢之功。故樂為之成其志云。郭應祥序。

上海中醫書局最近出版醫書

■ 診斷類

診斷大綱
秦校脉學

秦伯未
李瀕湖

鉛印 平裝 一冊 二角
鉛印 平裝 一冊 一角

六折 六折

■ 雜書類

鳥瞰的中醫
歷代醫學之發明
國醫小史
醫學筆塵

許半龍
王吉民
秦伯未
王肯堂

鉛印 平裝 一冊 二角
鉛印 平裝 一冊 三角五分
鉛印 平裝 一冊 二角
鉛印 平裝 一冊 四角

六折 六折 六折 六折

■ 掛圖類

銅人經絡圖
骨度部位圖
每組四張附說明書一冊

赤城醫廬製 彩色石印

一元

七折

■ 雜誌類

中醫世界

秦伯未

主編

每二月一期雙月一日出版

(第一年已出齊)
每期二角全年一元一角

家庭醫學雜誌

方公溥

每二月一期單月一日出版

每期一角
全年五角 (郵費均六分)

集驗背疽方

宋李迅撰

背疽方總論

背疽之方。所傳百餘。然有驗者極少。其間二作中。又有用藥偏重。或太冷。或太熱。或藥性有毒者。今皆不錄。獨擇嘗用而經驗者錄之。庶幾不至有悞活人治病之意。

背疽其源有五

天行一。瘦弱氣滯二。怒氣三。腎氣虛四。飲冷酒。食炙博物。服藥熱毒五。蓋治背疽。不可一槩。將為熱毒。其治之法難易。當自一而至五。

察疽發有內外之則

初發疽時。一粒如麻豆大。身體便發熱。疽處肉亦熱。腫大

而高。多生疼痛。破後肉色紅紫。此為外發。雖大若盆碗。如用藥有理。有百人百可活。

如初發疽時。不拘小大。身體無熱。自覺倦怠。生疽處亦不熱。數日之間。漸漸開火。不腫不高。不疼不痛。低陷而壞爛。破後肉紫黑色。此為內發。有此證者。未發見之先。臟腑已有潰爛。百人百不救。雖有神仙藥。亦付之無可奈何。

審內證用藥

自瀉嘔吐。不思飲食。診脈而腎脈最虛。此等古人皆以為不治之證。然尚有救療之理。

服補藥捷徑

腎脈虛甚。當用補藥。而有抵牾處。如用鹿茸附子之藥。是抱薪救火。如用平補之藥。腎氣又猝難平復。若俟河之清。

向來有一貴人苦疽疾。正生此一證。諸醫無策。愚云昔嘗聞一名醫講論。凡人遇五更初。腎氣必開。若一語言咳嗽。即腎氣復合。遇腎開時。進一服平補藥。其功效勝尋常服峻補之藥十數服。愚以此策獻之。遂選用山藥丸所用皆平補腎氣。全無僭燥偏重之藥。依此法而進。詳以告病者。與其侍旁之子弟。如法而服藥。三日之後。醫有診脈。知其腎脈已平復矣。則有疽疾人。腎脈虛弱。未可便如古人之論。以為不可治。若人有痼冷虛弱危困之疾。如其法而用藥。可謂用力寡。而收功倍矣。（案山藥丸缺）

疽發所在有不可治者

腦上諸陽所會穴。近腦則髓出。頸項上近咽喉。藥餌飲食之所通。一有所礙。兩不能進。腎俞上與腎相抵。命之所繫。

穴即透空。又不可著艾。三處有疽。並為難治。

戒忌

作勞叫怒嗜慾飲食。如乾濕麪炙燻淹藏冷酒生冷滯膩魚羊並不可食。性熱者發熱。冷者損脾腎。毒者發病。皆當戒之。病者之房。深戒有胎氣人。并有孕婦人。月經人人房。合藥亦忌。此等人見之。又忌雞犬貓兒見之。

已上戒忌。安後半載間。血氣未定。猶定（一作當）謹戒。不廢藥餌。方能保全。

疽瘡之方。有驗者載於方書。然有貧乏無錢買藥。又有適居僻邑草市。難得藥材。只得服草藥。鷺鷥藤酒。續以麥飯石膏塗傅。神異膏貼之。亦屢用取效。若無麥飯石膏。如田夫野人。只用神異膏亦可。

麥飯石膏（案此方原缺。今從蘇沈良方補入）

白麥飯食石（色黃白。類麥飯者猶佳。炭火燒赤。醋中浸之十遍。研白礬末。與石等分。）

鹿角（不用自脫者。須元帶腦骨者。截用二三寸。炭火燒至烟盡為度。杵為末。併前二味。）

右並搗細末。取多年米醋。於鉢中煎。令魚眼沸。即下前件藥末。調如稀餈。以篋子塗傅腫上。只當瘡頭留一指地。勿令合。以出熱氣。如未膿當內消。若已作頭當撮小。若日久瘡甚。肌肉損爛。筋骨出露。即布上塗藥貼之。乾即再換。但以帛中穴無不瘥。其瘡切忌手觸。宜慎之。

麥飯石膏論

麥飯石膏。治背疽之疾。神妙莫比。惜乎世人罕有能知者。

然古方所載用藥製度略而不詳。則其間藥材不真。修製苟簡。是自致其無驗。非方之誤也。愚親見一貴人有此疾。醫者用麥飯石膏塗貼。不惟無效。又且添痛楚。更以毒藥盪之。膿亦不潰。晝夜疼痛。不得安寢。瘡遂曰開大。寢至兩脇。又於咽喉脚膝間。遍發數疽。醫者盡以為不可治療。愚雖預備此藥。選擇修製既良且精。而未敢使用。俟諸藥縮手。試以用之一夕之間。疼痛盡止。膿血俱潰。來如湍水。病者安寢。衆皆驚愕。以謂別有神藥。殊不察止於麥飯石膏也。疽疾須得膿血潰散之多。即使毒氣隨膿血出。不至內傷臟腑。病者得安。有一庸醫見膿不潰。遂打兩錫管。欲插入疽。以口汲出其膿。愚謂用此。則病者必不可救。力阻其說。又用薦蓆開其一竇。使病者仰卧。以取膿。此說不可諫。

因令試之。膿亦不來。後卒用愚所合麥飯石膏而取效。自此而後。鄉間有此疾者。來下問。因錄此方。俾精擇修合。盡取十全之功。愚故詳著之。

一癰疽初作之時。便合用麥飯石膏四圍塗傅。以護其根脚。不可使開中心。却要如癰口如錢大。使毒氣出。如壅漸小。隨其大小傅之。直候疽破膿潰之後。口收止。猶徑寸許。用神異膏點傅收住。却用麥飯石膏。

神異膏 治一切瘡疥。按此方原缺。今從危亦林得效方補入。

全蠋七個去毒。皂角一錠剉碎。巴豆七粒去殼。蛇床子三錢。清油一兩。黃蠟半兩。輕粉半匙。雄黃別研三錢。石先用皂角全蠋巴豆煎油變色。去了三味。入黃蠟化。

開。取出冷處。入雄黃蛇床末輕粉和勻成膏。先用苦參湯溫洗。後以藥搽瘡。疥上神效。

又神異膏（此方從赤水元珠補入）

黃耆杏仁元參各一兩。

右用麻油二斤。煎至將黑。加蛇脫五錢。蜂房一兩。男子髮一團。如雞子大。再煎至黑去滓。徐徐下黃丹。不拘多少。得中為度。文武火熬收。

治疽癰用藥大綱

此書所著方。頗為周備。但欲使用藥者。不可不知之爾。然人能逐一玩味。詳說深思。用藥之意。臨時看其病證。次第用藥。無有不效。近時有親舊得此病。為愚醫所惑。或用君臣藥。或用草藥。其病益多。痛楚日增。然後回心杜絕衆醫。

用愚方。問蒙下問。但指示三五方與之服餌。無有不安者。今略書用藥要領。與夫先後之序。畫一於後。一初覺時。背疽之疾。便令服內托散。後來不生變證。口舌無瘡。此藥但可服十數服而止。內托散。大止疼痛。如未破即點破有膿。此方原缺。今從惠濟寶書補入。

川烏一兩。泡。茯苓三分。苦杖半兩。獨活白芷甘草炙各一兩。

右為末。每服二錢。酒調下。日三服。

一即令繼服五香連翹湯。服此藥如大便寬快。內熱既省。即令住服。若一二日之後。大便再閉。須令再服。要取利毒氣至盡。然後住服。亦合看病。人虛實。量其輕重而進藥。

五香連翹湯

木香三分不見火。沉香三分不見火。連翹全者去帶三分。升麻三分。黃耆三分。揀無義附者生用。木通三分去節。甘草半兩生用。丁香半兩揀去枝杖不見火。乳香半兩別研。大黃微炒半兩剉。麝真者一錢半別研。桑寄生三分。難得真者。缺之亦可。獨活三分。買老羌活用。今舖家所賣獨活。乃是土當歸不堪用。右為粗末和勻。每服三大錢。水一盞。煎至七分。去渣服。留滓。二服用水二盞再煎。作一服。積四散滓。用水三盞。又再煎。作一服。然後不用其滓。一方用銀器煎藥。如無銀器。入銀一片同煎。內桑寄生一味。最能療病。但難得真者。如缺用升麻代。今已加升麻。若無真桑寄生。則升

麻分量當倍用。

一次令多服。洪氏排膿內補散。無嘔逆之證。用好酒下。有嘔逆之證。合用木香湯下。此一藥合與癰疽相為終始。服餌不可輟。化毒排膿。

內補十宣散（亦名托裏十補散）治一切癰疽癰瘡未成者。速潰敗膿自出。無用手擠。惡肉自去。不犯及。使服藥後疼痛減。其效如神。（此方原缺。今從和劑局方補入。）

黃耆（以綿上來者為勝。狀如箭筈。長二三尺。頭上叉者洗淨。寸截。槌破。撕擘。以鹽湯潤透。用盞盛湯瓶上一炊久焙燥。隨衆藥入研。即成細末。）人參（以新羅者為上。擇團結重實。滋潤洗淨。去蘆。薄切乾搏用。）當歸（取川中來者。擇大片如馬尾狀。滋潤。甜辣芳香者。溫